



龜山先生文集序

缺文



觀語錄之既刻悵文集之未完夙夜祇懼深負瘵
曠時古愚公仲孫源武略公外孫也來職會計余
因語之曰而翁石泉公而舅遜齋公皆好義之士
矧雪堂與書板二祖之手澤繼志述事得無望焉
遂奉書請于石泉公鑄適遜齋公文讓以懷安簿
捧閩檄馳驛浙省往來劔津石泉舉似其說二公
欣然以爲己任先生諸孫建學錄有德崇安教有
立與其姪文壽閩清教吳君善成俱各展力以成
前美文簡後人劉君道孫任編校之勞今得爲全
書茲非幸歟夫天地間萬形皆有敝惟斯文如日

月之代明間有少晦終不能泯泯然必待乎人而後行則或制於數焉耳恭惟先生載道來南卓爲一代儒宗其息邪說距詖行放淫辭以承孟氏此張南軒記歸鴻閣畫像語也伊洛高弟以孔門比之龜山其曾子羅李其子思而文公則孟子此真西山答陳復齋書也先生之學推明聖賢蘊奧天典民彝嘉言善行粹然一出於正是集之行其於世教豈小補哉嗟今之人拔一毫以利天下有不爲者况求如諸君子之能爲先哲傳書爲萬世開來學又千百而未一見是可敬也於是乎書皆

至順癸酉中和節三山後學朱鑿維洪謹序

龜山楊文靖公集目錄

卷第一

詩

此日不再得示同學

書懷

端午日

巖松

勉謝自明

別西齋諸友

和鄭商老下第

雨寒

穎昌西湖泛舟

游賈丞相曲水園

送席二

伊川壻

寄游定夫

在穎昌從明道先生

至應文國中... 龜山文集目錄

歸鴈

送丁季深

冬至日聞雷

過關山

偶成

除夜感懷

旅舍書事

酬林志寧

離家作二首

過蘭溪

感事

別游定夫

蘄州早起

晚泊遇雪

臨川驛偶成

臨川道上

臘月見桃花

志寧從學河南二程先生

庚申歲作

夜雨

合江亭晚眺

嚴陵釣臺

過七里灘

登桐君祠堂

梭山候潮

晚泊園頭

卷一 江上

過金山

土屋

秋日有懷寄從弟表民

重經烏石鋪

過清溪渡

措有隱者結廬於此人間其姓

指桐君之故號桐君

過錢塘江迎潮

泛江至土坊

淮上獨酌

徐郎廟

丁憂伯父

久不得家書

觀獵

遣懷

枕上

寄范正甫

時討西夏

元豐壬戌歲暮書事

卷第二

詩

藏春峽

六詠并序

詠歸堂

老圃亭

暗香亭

虚心亭

容照巖

藏春峽

題贈吳國華釣臺

國華自作記不取嚴陵

綠陰亭上

吳先生家

含雲晚歸寄真師

含雲寺書事六絕句

游玉華洞

久旱

冬曉

次韻思睿見寄

次韻蔡武子書懷

感懷寄鄉友

時在虔州

病中作

送虔守楚大人

元祐戊辰

吳子正招飲時權酒局不赴作詩戲之

贈別蔡武子被誣

得釋赴泉州錄參

贈致政楊孟堅宣德

孟堅歷三世不改官而諸子各有第宅故以楊陸為比

春波亭上

藍田溪上

寄題環翠樓

記云唐君作此樓以奉親

荷花

勉懷

宜春溪上

宜春道上

過豐城

瀏陽五詠渭水

歸鴻閣

飛鷄亭

相公臺

洞陽 孫思邈脩真所

寄湘鄉令張世賢

縣齋書事四首

次韻錢帳計

和潭倅張朝請行縣言懷

又用前韻和早梅二首

和張倅行縣

假山

縣齋書事寄張世賢

檢田

公幹游光大示犀老

王簿清輝亭

醴陵丁君洋洋亭

寄長沙簿孫昭遠

時以不惟積欠在勅

卷第三

詩

送蔡安禮

席上別蔡安禮

于方赴胡安禮赴博澤任

次韻安禮見寄

安禮以宏詞見勉因成二篇奉寄

安西聞捷三首 呂吉甫得節

感事三首

詩 冬寒兩齒忽覺動搖因成書懷

卷第 書懷

泗上 開開月堤

汴上 開開月堤

出京 己未九月

出尉氏

陳留書事

予自長沙還植蘭竹於東西軒調官京師逾
年而歸蘭竹皆衰悴感而成詩 己卯

吉溪早起

漢坂舟行

秋晚偶成二首

感事

晚雨

隱几

入山行

題愚齋 溪東黃室

贈醫者鄧獻臣

游武夷

是日泛小舟至雞窠岩還游冲佑觀

童氏必大亭

生前作此亭

和李倅游武夷

黃彥昭時思閣

前有連理樹

綠漪軒

迂疎堂

鄱陽湖觀打魚

小龍廟在湖上崇寧壬午

南康值雨

廬山卧龍峯有劉道人自云百餘歲碧眼不枯食惟食松飲水無客至必先知之後往見之亦不果故并記之

白公草堂

過廬山遇雨

題諒長老壁

東林道上閑步三首

過東林三首

江上夜行 赴荆南道

江上晚步 赴荆南詩

過漢江

荆州偶作

過石首謁縣官回有作

壬午十二月

荆州書事二首

送鄭季常赴太學正

脩

江陵令張景常藏書萬卷堂

送向和卿還京

子韶

次韻何吉老游金鑾寺

向和卿覽余詩見贈次韻奉酬

卷第四

詩

送胡康侯使湖南

送趙循道赴都講

南陵人

直舍大風書事寄循道

天寧節

留別富宣德

和席季成游金鑾寺

送王克道游三茅廬阜

席太君挽辭二首

直舍書事

登峴首阻雨時自荆南入京

湘君祠

岳陽書事

渚宮觀梅寄康侯

新湖夜行

泉鴻

寄定夫

寄練子安教授

送陳幾叟南歸丙戌年

寄題趙貫道後樂亭

亭在沂州新泰縣

謝詹司業送酒

春早

春日有懷諸友

出郊

戲贈詹安世

喜談兵慕耿弁之為人故有虎牙之句

望湖樓晚眺

春日五首

遣興

春晚

病中作

南京

病起

送富朝奉還闕

紹崇字國華

次韻晁以道

庚寅年出京

和陳瑩中了齋自警六絕

瑩中詩附

了齋自警

和錢濟明游官園

常州

題陳宣事烟波宅

偶成

過吳江

問居書事

南歸書事

溪上

寸碧軒

冬早書事

齒落書懷

與將樂令飲揖仙亭

憑高

送嚴尉

贈程舍人迎侍入闕

鄒公挽辭二首

卷第五

書

上淵聖皇帝書

上欽宗皇帝書

卷第六

奏狀

辭免邇英殿說書奏狀

靖康元年正月二十七日乞上殿奏狀

辭免諫議大夫奏狀 舉呂好問自代狀

五月初十日乞出第一奏狀

十四日第二奏狀 十六日第三奏狀

二十四日第四奏狀

六月初四日乞致仕奏狀

初九日辭免給事中第一奏狀

十八日第二奏狀

二十八日第三奏狀

七月初五日辭免徽猷閣直學士第一奏狀

十七日第二奏狀
二十六日第三奏狀

辭免召赴行在奏狀
申省狀附後

十二月二十六日辭免工部侍郎奏狀

舉曾統自代狀

建炎二年二月十五日乞出奏狀

三月初二日再乞宮祠奏狀

辭免侍講奏狀

四月初六日乞宮觀第三奏狀

十五日第四奏狀

辭免龍圖閣直學士奏狀

建炎庚戌乞致仕奏狀

代虔守薦楊孝本狀

卷第七

表

謝邇英殿說書表

謝諫議大夫兼侍講表

謝賜詔乞致仕不允表

謝待制表

皇帝即位賀表

復辟賀表

謝工部侍郎表

謝賜詔乞出不允表

謝侍講表

謝龍圖閣直學士表

謝轉官致仕表

代虔守賀正表

代賀坤成節表

代貢物表

代漕臣賀收復表

啟

謝太守啟

謝楚大夫啟

謝張朝請啟

謝馬通直啟

賀林舍人啟

代人謝呂漕啟

代人謝解啟

代虔守謝李運使啟

代賀蘇左丞啟

代謝筠守啟

代與檢法啟

請媒書

婚書

卷第八

劄子

論時事劄子 宣和七年三月

慎令

茶法

監法

轉般

糴買

坑冶

邊事

擇將

論金人入寇劄子十二月二十六日

乞宮觀劄子

盜賊

軍制

卷第九

書一

見明道先生書

寄明道先生書二

寄伊川先生書論西師伊川答書附

答伊川書

與楊仲遠書六

與楊君王書

與林志寧書

卷第十

書三

寄程二十二書明道先生子汝陽簿

與鄒堯叟書名夔劉執中婿

與楊孟堅書

與吳國華別紙丙寅

答吳國華書二

寄俞仲寬別紙三

與俞彥脩書名表仲寬子

答吳仲敢書

寄翁好德書二

答陳子安書

卷第十一

書三

與陸思仲書

謝程漕書

博文

上毛憲書

名漸字正仲

寄毛憲書

上提舉書

議役

代人上王令書

代人上江令書

與張秀才書

與翁子靜書

答李杅書

答呂敦智書

卷第十二

書四

與游定夫書

六

與鄒至完書

與劉器之書

答陳瑩中書

卷第十三

書五

答胡康侯書

十四

與高次書

卷第十四

書六

答學者書

二

答呂秀才書

答呂居仁書

四

與許少尹書

答胡處晦書

答練質夫書

與黃用和書

答蕭子莊書

四

答曾元忠書二

與鄒德义書二

答胡明仲書

答范伯達書

卷第十五

書七

答李叔易書

與陳公晦書二

與李泰發書四

答張子韶書

與李丞相書二

與許高老書

答傅子駿書

與傅國華書

與執政書

與劉希範書

與梁兼濟書

與廖用中書

與吳大卿書

與吳守書二

與呂提刑書

與秦丞相書

卷第十六

記

樂全亭記

虎頭岩記

求仁齋記

楊道真君洞記

孝思堂記

歸鴻閣記

乾明寺脩造記

踵息菴記

白雲菴記

含雲寺真師遺像記

資聖院記

養浩堂記

婺州新城記

沙縣陳諫議祠堂記

南劍州陳諫議祠堂記

浦城縣重建文宣王殿記

卷第十七

序

楊仲遠字序

鄧文伯字序

楊希旦文集序

送吳子正序

與陳傳道序

謝君詠史詩序

田曹吳公文集序

復古編後序

書序

論語序

孟子序

中庸義序

校正伊川易傳後序

孫先生春秋傳後序

水華先生文集序

王卿送行詩序

鄒公侍郎奏議集序

卷第十八

經筵講義書

吉人為善

播弃黎老

惟天惠民

惟受罪浮于桀

子曰巧言令色鮮矣仁

曾子曰吾日三省吾身為人謀而不忠乎與

朋友交而不信乎傳不習乎

子曰道千乘之國故事而信節用而愛人使民以時

子曰君子不重則不威學則不固主忠信毋友不如己者過則勿憚改

曾子曰慎終追遠民德歸厚矣

子禽問於子貢曰夫子至於是邦也必聞其政求之與抑與之與子貢曰夫子溫良恭儉讓以得之夫子之求之也其諸異乎人之求之與

子曰君子食無求飽居無求安敏於事而慎於言就有道而正焉可謂好學也已

子貢曰貧而無諂富而無驕何如子曰可也未若貧而樂富而好禮者也子貢曰詩云如切如磋如琢如磨其斯之謂與子曰賜也始可與言詩已矣告諸往而知來者

子曰不患人之不已知患不知人也

卷第十九

經解

春秋義

始隱

鄭伯克段于鄆

秋七月天王使宰咺來歸惠公仲子之賵

九月及宋人盟于宿 冬十有二月祭伯來

二年春公會戎于潛 夏五月莒人入向

九月紀裂繻來逆女

三年春王二月己巳日有食之

三月庚戌天王崩 夏四月辛卯尹氏卒

秋武氏子來求賻

莊元年三月夫人孫于齊

夏單伯逆王姬

秋築王姬之館于外

王使榮叔來錫桓公命

紀侯大去其國

詩義

將仲子

叔于田

狡童

孟子解

梁惠王問利國

賢者亦樂此乎

移民移粟

仁者無敵

無道桓文之事

是心足以王矣

今樂猶古樂

憂以天下樂以天下

徵招角招

王欲行王政則勿毀之矣

好色好貨

聞誅一夫

姑舍女所學而從我

亦運而已矣

君請擇於斯二者

不遇魯侯天也

爾何曾比予於管仲

不得於言勿求於心不可

夫志氣之帥也氣體之克也夫志至焉氣次

焉

其為氣也至大至剛

勿忘勿助長

伯夷柳下惠

孟子將朝王

請野九一而助國中什一使自賦

舜使益掌火益烈山澤而焚之

予天民之先覺者也

百世而下聞者莫不興起

遲遲吾行也

惟義所在

不失赤子之心

薛居州善士也

是皆已甚

若合符節

君之視臣如犬馬

天下之言性

孔子作春秋
盡心

堯舜之道孝弟而已
執中無權猶執一也

柳下惠

同道不同道

五十而慕

五霸假之

形色天性

卷第二十一

荅問

荅胡德輝問

卷第二十二

史論

蕭何

項羽

張良

蕭何

曹參

陳平

周勃

張耳

陳餘

韓信

彭越

季布

趙堯

周昌

叔孫通

張蒼

酈寄

朱虛侯

田叔

婁敬

賈誼

賈山

申屠嘉

馮唐

張釋之

索盜

晁錯

鄒陽
枚乘

竇嬰
灌夫
田蚡

劉向

朱穆

臧洪

竇武
何進

荀彧

郊祀志

汲黯

周世宗家人傳

卷第二十二

策問 共十六道

卷第二十三

日錄論 共三十三篇

卷第二十四

字說論

空無土以為穴則空無相無工以穴之則空
無作無相無作則空名不立

倥侗真空者離人焉倥異於是特中無所有

耳大同者離人焉侗異於是特不能為異耳

同彼亦一是非也物之所以不同門一口則

是非同矣

金銅金正西也土於此終水於此始銅赤金也爲火所勝而不自守反同乎火

童始生而蒙信本立矣方起而釋仁端見矣中中通上下得中則制命焉

忠有中心有外心所謂忠者中心也

洪洪則水共而大洪範所謂洪者五行也亦

字共而大

朱熹鴻大曰鴻小曰鴈所居未嘗有正可謂反矣

然而大夫贊此者以知去就爲義小者隨時

如此而已乃若大者隨時則能以其知與事

造業矣鴻從水言智工言業故又訓大易曰

隨時之義大矣哉若大夫者不能克此

公公雖尊位亦事人亦事事

松栢松華猶槐也而實亦玄然華以春非公

所以事上之道栢視松也猶伯視公伯用訕

所執躬圭者以此公用直所執桓圭者以此

籠從竹從龍內虛而有節所以籠物雖若龍

者亦可籠焉

冬春徂夏爲天出而之人秋徂冬爲人反而

之天

天示小一而大者天也二而小者示也又示
天得一而大地得一而小

義和斂仁氣以爲義散義氣以爲和

犧牲殘而殺之和所以制物完而生之義所

以始物

戲自人道言之交則用豆辨則用戈慮而後
動不可戲也戲實生患自道言之無人焉用
豆無我焉用戈無我無人何慮之有用戈用
豆以一致爲百慮特戲事耳戲非正事故又
爲於戲傾戲之字

置罷上取數備有以口下則直者可置使無
貳適惟我所措而已能者可罷使無妄作惟
我所爲而已

終無時也無物也則無終始

聰於事則聽思聰於道則聰忽矣

思出思不思則思出於不思若是者其心未

嘗動出也故心在內

味莖藉味一艸而五味具焉即一即五非一

非五故謂之莖衆而出乎一亦反乎一故謂

之藉

之有所之者皆出乎一或反隱以之顯或戾
靜以之動中而一者所之正也
懿微壹而恣之者懿也俊德之美也微而糾
之者微也玄德之美也

除有陰有陽新故相除者天也有處有辨新
故相除者人也

蟋蟀蟋蟀陰陽帥萬物以出入至於蟋蟀其
率之為悉蟋蟀能帥陰陽之悉者也故詩每
况焉

紅紫紅以白入赤也火革金從工器成焉凡
色以系染也紫以赤入黑也赤與萬物相見
黑復而辨於物為此而已夫有彼也乃有此
也道所貴故在系上工者事也此者德也
豐豐者用豆之時

崇高高言事崇指物陰陽之義

雜著

陳居士傳

諸公跋附

鄧氏真贊

書銘

言默戒

張牧之子名

勸學

雜說

五章

特排口號

二

卷第二十五

題跋

跋司馬溫公帖

跋富文二公帖

跋清獻公愛直碑

跋橫渠先生書及康節先生人貴有精神詩

題蕭欽仁大學篇後

書李從政墓誌

跋賀仙翁親筆詩

跋賀方回鑑湖集

跋鄒道鄉所書女誠

跋道鄉帖

題了翁責沈

跋了翁與韋深道書

跋曾伯智孝行類要

跋公子血脉譜

跋江民表與趙表之帖

跋了翁祭鄭南夫文

跋三墳傳文

題了翁送幾叟詩

題李丞相送幾叟詩

題翁氏特文編

跋了翁書溫公解禪偈

跋溫公與劉侍御帖

跋諸公與徐仲車詩簡

跋鄒公送子詩

題諸公邪說論後

跋彭器資送余仲勉序

跋司馬溫公與明道先生書

司馬溫公與明道先生書

此書不載於溫公集中故附見於此

卷第二十六

哀辭

明道先生哀辭

鄒堯叟哀辭

郭思道哀辭

祭文

祭楚守縣君文

祭鄒侍郎文

祭呂侍講文

祭思睿文

祭陳瑩中文

祭游定夫文

祭劉器之文

祭陳立道文

祭陳氏十五娘子文

今入吳氏墓誌

卷第二十七

善行狀

先君行狀

曾文昭公行述

卷第二十八

墓誌銘一

王母朱氏墓誌

張氏墓誌銘

蔡奉議墓誌銘

俞氏墓誌銘

游執中墓誌銘

鄒堯叟墓誌銘

吳國華墓誌銘

吳子正墓誌銘

卷第二十九

墓誌銘二

陳君玉墓誌銘

李子約墓誌銘

許德占墓誌銘

楊氏墓誌銘

梁明道墓誌銘

張進之墓誌銘

卷第三十

墓誌銘三

李脩撰墓誌銘

令人吳氏墓誌銘

翁行簡墓誌銘

卷第三十一

墓誌銘四

御史游公墓誌銘

莫中奉墓誌銘

錢忠定公墓誌銘

卷第三十二

墓誌銘五

陸少卿墓誌銘

曹子華墓誌銘

向太中墓誌銘

孫龍圖墓誌銘

卷第三十三

墓誌銘六

忠毅向公墓誌銘

章端叔墓誌銘

卷第三十四

墓誌銘七

周憲之墓誌銘

卷第三十五

墓誌銘八

樞密曹公墓誌銘

張安時墓誌銘

樞密鄭公墓誌銘

墓表

卷第三十六

墓碣

范君墓碣

龜山楊文靖公集目錄終

末流學多岐倚門誦韓莊出入四寸間雕鐫事辭章
學成欲何用奔趨利名場挾策博塞游異趣均亡羊
我懶心意衰撫事多遺忘念子方妙齡壯圖宜自彊
至寶在高深不憚勤梯航茫茫定何求所得安能常
萬物備吾身求得舍即亡雞犬猶知尋自棄良可傷
欲為君子儒勿謂予言狂

此日不書懷

少作

敝裘千里北風寒還憶簞瓢陋巷安位重金多非所
慕直緣三釜慰親歡

端午日

少作

悠悠南北各天涯欲望鄉關眼已花憶得親庭誰共
語應憐游子未還家

巖松

婆娑千尺倚巖巔隱隱虬姿拂遠烟尤喜地靈泉脉
潤獨愁天濶晝陰偏孤根礙石盤彌固直幹凌霜老
益堅臃腫不須逢匠伯散材終得盡天年

勉謝自明

少年力學志須彊得失由來一夢長試問邯鄲欹枕
客人間幾度熟黃梁

別西齋諸友

浮雲如積酥涼颯勁絃疾溶溶渺天末飄忽易相失
懸弧四方志袍繫非予匹平生結歡久始願膠投漆
別離傷素懷此身任萍迹

和鄭商老下第

雨餘新惹一番愁輾轉衾寒客思悠獻璞又添今日
恨登科空負昔人羞林泉水石君先到京國風塵我
尚留莫爲浮名苦憔悴前春行釣巨鰲頭

雨寒

天幕陰雲積蕭蕭雨正霑泥污關市寂水入御溝深
破屋寒侵骨哀絃凍絕音更愁風力健瘦怯不能禁

世事名額昌西湖泛舟

游費丞相曲水園

扁舟乘興謾追尋路轉河回入柳陰拂面落花春意
盡避人幽鳥野情深慚無健思供吟筆賴有寒光映
客心日暮倚風歸棹急一鈎新月掛遙岑
春過鶯花無處尋移舟行近古城陰褰衣水上收殘
片傾耳枝間覓好音山隔曲堤迷遠近魚跳文藻亂
浮沉飄然似得江湖趣陡起歸與萬里心

送席二 伊川壻

摳衣丈席想多聞高節應能與俗分不用卑飛入幽
谷定知喬木在青雲

寄游定夫

在穎昌從明道先生

絳帷燕侍每從容
一聽微言萬慮空
却愧猶懸三釜
樂未能終此挹清風
蕭條清穎一茅廬
魂夢長懷與子俱
五里橋西楊柳
路可能鞭馬復來無

歸鴈

天末驚風急
江湖夜思長
悲鳴愁絕塞
接翼冒清霜
澤岸多縉弋
雲間乏稻梁
茫然栖息地
飲啄欲何鄉

感事

世事浮雲薄
勞生一夢長
散材依櫟社
幽意慕濠梁

風激鷹鷂迅
霜殘草木黃
投閒如有約
早晚問耕桑

送丁季深

烟含疎柳綠
蒙茸杏腴桃
英入眼紅
邂逅與君逢
臘雪飄零獨
我過春風空
愁轉轂音塵遠
且寄離懷笑
語中後夜月
明人寂寂
相思那復一樽同

別游定夫

黽勉吾將仕
謀身力已分
漆雕慚未信
子夏又離羣
慘淡交情重
間關道路勤
至言宜遠寄
孤陋願頻聞

冬至日聞雷

土圭日已南
百年生有期
新陽潛地脉
慘慘羣陰微

尚覺雲氣昏嚴颯弄寒威狂雷與驟雨奔逐如喧擊
百虫誤驚蟄生理亦已虧向晚怒聲息霰雪交餘輝
凌寒山驛孤持盃空自疑

新州早起

城頭雷動角聲哀似共行人愁落梅欲報晨炊未
熟喚回殘夢眼驚開霜清暗覺貂裘冷月淡空令色
犬猜倚杖起看風正慘紫微繚繞俯三台

過關山

牢落關山路年來倦往還長隨流梗泛有愧白雲閑
親遠江天外魂勞夢想間泫然游子淚挹盡復沈瀾

歲律行將暮颯風凌九
山深入寂寞路遠馬虺隤
幽意從誰展愁懷殢酒
衰遲仍惜日投晚獨徘徊

晚泊遇雪

向曉驚風急飄零雪滿垆氣升雲幕天遠月冥冥
寒色終無賴豐年謾寄聲鋪糟吾不慣彊醉復還醒
寒逼歸鴻急悲鳴聲更哀舞風斜翳日帶月暗欺梅
平野光初合陰雲凍不開無聊還殢酒顛倒盡餘盃

偶成

天遠何須問勞生聽若何犁鋤三畝足栖息一枝多
白雪寧堪冒清時只浪過好尋明月影醉舞自婆娑

臨川驛偶成

冉冉朝仍暮蕭條官舍幽閉門三尺雪觸物一虛舟
虫蠹生涯盡萍漂世事浮尚思方技學多病未能休

除夜感懷

臨川驛

歲律已云盡思家日日深二年爲客恨千里倚門心
節物羅樽俎兒童學語音眩然如在目恍惚夢難尋
愛日乖予願親顏長在心遠遊仍換歲華髮想盈簪
永夜誰同席殘盃憶共斟相思空有淚揮洒滿衣襟

臨川道上

風雨離山驛斷橋危欲顛去心奔逸驥行路上青天

鴈序江湖樂雲歸島嶼連悠悠遠征客千里獨茫然

旅舍書事

懶拙乖時尚支離與世殊饋漿驚御寇避席愧陽居
觸事紛難解忘形色易勦不須修混沌機械本來無

臘月見桃花

脂臉輕勻作艷粧未應潔白似梅香天紅不見凌霜
操謾向春前取次芳

酬林志寧

志寧從學河南二程先生

君不見昔時卜年公拆龜食墨瀍澗東伊流洛水環
紫宮廣輪千里天地中真人一往不復見鼎湖弓劍

空遺蹤陰陽所交風雨會和氣自古生英雄邇來百
千歲零落多竒窮鳴臯少室崢嶸倚天闕下有回淵
萬仞蟠雙龍蒸雲結雨氣濛濛惟有蒼髯紫頰包玄
珠時發光燄凌烟虹成周太平鬱餘策但令洙泗生
清風嗟君妙齡有仙骨乘槎暗與天潢通萬里不一
息去若孤征鴻決開銀河浪分出一派懸秋空願予
山野姿未老心已慵謬從君子游營道術偶同有如
退之與東野自慚青蒿倚長松感君惠然抵山谷開
談冰雪清吾胸高堂黑髮顏如童未湏念此心忡忡
幸有山前泉清冷可酌與君啜甘茹草忘春冬

離家作二首

庚申歲作

敗葉辭故枝驚颿送微雨田廬向收穫城中亟完補
游子欲何之道路修且阻俛首謝田父子生厭羈旅
胡鴈依朔風群飛逐南翔游子方北征朔風吹我裳
攬轡望雲間夜色正蒼蒼空羨南歸翼幽懷增感傷

過蘭溪

紛紛朝市競秋毫江上霜風正怒號不問揚濶與彭
浪翩然東下日千艘
百年生計一輕舸照水初驚見二毛但道澄江靜如
練那知風雨作波濤

風帆斜颭漾清漪驚起沙鷗掠水飛寄語從今莫相
訝我心隨處自忘機
似聞疎雨打蓬聲枕上悠揚夢半醒明日覺來渾不
記隔船相語過前汀

合江亭晚眺

倚杖釣簾兩水間晴光飛影上雕欄帆催畫鷁搏風
去雲吐銛峰作劍攢平野烟浮迷遠日晚溪潮漲失
前灘騎鯨一往扶桑近休問人間行路難
重經烏石鋪

夾屋青松翠藹中去年經此亦匆匆重來烏石岡頭
路依舊松聲帶曉風

嚴陵釣臺

漢網久陵遲國柄授權室中興得英主威明戒前失
三公經邦國吏事因精覈功臣欲圖全猶不任以職
矧茲故人分義等天倫戚卓哉子陵心秉哲固前識
投身豢名爵豈但枉尋尺萬鍾雖云富樊雉非予匹
石瀨清且泚蒼崖聳而直揭竿事幽尋釣水鮮可食
羊裘與冬溫袞繡未云益三旌屠羊肆義不在吾易
用舍各有趣高風亘今昔

過清溪渡

天濶江銜雨冥冥上客衣潭清魚可數沙晚鴈爭飛
川谷留雲氣鷓鴣傍釣磯飄零滄海客傲倒一帆歸
過七里灘

拂雲高鴈倚風搏下視平湖萬里寬搔首扁舟又東
去錢塘江上看波瀾

扁舟東下幾時還一席飛帆插羽翰回首嚴陵臺上
月清風千古逼人寒

登桐君祠堂

昔有隱者結廬於此人問其姓指桐樹示之故號桐君

霜染溪楓葉葉丹翠鱗浮動汐波閑盤盤路轉千峰

表冉冉雲扶兩腋間掠水輕鷗晴自戲凌風飛鴈暮
爭還結廬姓字無人會靜對庭陰一解顏
翠崖千尺峙雲高樓殿翬飛壓巨濤檻外回峯自連
著一作潮去潮來山愈靜 祇應潭下有靈鼈

梭山候潮

向晚牛羊沙岸歸落帆烟浦候潮時誰言江上須忠
信潮信于今自失期

晚泊園頭

水光天影湛清淵澤岸沙汀斷復聯江借晚風翻白
浪山銜斜日隔青烟喧林鳥散穿雲去架網人間枕

柁眠獨倚蓬窓靜無語微吟擁鼻不成篇

過錢塘江迎潮

銀潢翻空際天白鯢怒鵬騫海波擊湧雲噫氣聲怒
號萬馬馳車隨霹靂低昂上下如枯槁頃刻性命輕
鴻毛賫囊負笈有夷路一日何事常千艘因思羊腸
盤九坂攀援蜀道愁猿猴人生觸處有萬險豈必此
地多風濤願言夷險不須問莫負對酒持霜螯

江上

寒雲冪冪結秋陰月浹霜娥冷不禁更祝江波休蕩
漾莫令清影碎浮金

泛江至土坊

萬頃江湖遠孤乘一葉船鴈飛雲外字蓬掩水中天
波靜橈音息風微帆影偏回環聊注目浩蕩接青烟

過金山

環望荆吳拆清江日夜流飛騰朝夕浪漂泊利名舟
山湧鼉蟠出樓雉層氣浮僧窓千古意出沒看輕漚

淮上獨酌

廉纖晚雨洗輕塵天淡雲浮夜色新賴有麴生風味
好不須邀月作三人

土屋

土屋枕荒陂周回僅容席環堵異營窟猶遺古風質
功雖勞版築身自有餘力依戶鑿圓竇寒光度如璧
夏開迎溫風冬瑾可栖息胡爲棟宇麗但免風雨阨
安居自寬暇見者徒逼仄寄言隣舍翁各自適汝適
慎勿慕華屋澆漓非至德

徐郎廟

古廟靈場枕碧巔松楸依約鎖風烟羽毛一去無消
息墮落人間幾百年

再與子秋日有懷寄從弟表民
羈旅吾方困哀思汝正煩望雲愁鴈序回首憶鴝原

北圃蔬還盛東軒菊想繁飄零不相見沾灑獨忘言
久不得家書

駭彼晨風飛日暮歸鬢林游子尚何得但寄千里心
庭闈斑白親憶念我亦深云何彼無耗徒役夢寐尋
有如在空谷歲久想足音竹篇一行書貴可抵萬金
踟躕步前庭復坐口欲瘖淚墮不自知但覺盈衣襟
人生本無待豈受外物侵歸當卧牛衣竹籜橫荆簪

觀獵

窺表白馬誰家子擁戟弦弧囊勁矢寒身欲與鳥爭
飛觸處塵埃雲四起長繩驅逐狐兔驚騎鷹掣臂流

雙睛飛揚雲間電光閃旋復草際無遺生驚腸久厭
鮮肥餌顧盼方能伺人意但矜鼎俎有餘甘貪饕誰
憐殄生類安得淑氣回嚴秋徐令困拙同鳴鳩林間
百鳥恣孳乳雖欲擊搏知無由

遣懷

君子雖自嚴至潔宜若汙昭昭揭日月所向將媚如
天地一穿中逼友身亦孤游世在虛已浩蕩與時俱
靈府有天游環中真道樞

枕上

小智好自私小德常自足自私開人賊自足心有目

瑕瑜不相掩君子比良玉默默枕上思戒之在深篤

寄范正甫

時討西夏

羈窮莫厭如牢圈從古功名出屠販男兒不負懸弧

心馬革裹尸猶足願君不見淮陰寄食飢貧叟

一作竊瓜

陰叟胙下英風亦何有逢時吐氣雷電奔金印

纍大於斗玉門晝夜羽檄驚睥睨欲墜天都城叩關

虎士鬱餘怒科頭奮戟如鸞鷹君從壯年蘊竒策未

宜縮首葺柴荆昔人投筆真豪英慨然萬里終成名

南山白額雖欲老百獸遭之猶裂腦

元豐壬戌歲暮書事

閩陬地力盡種藝被山谷涵濡一雨潤鬱鬱原野綠
春風忽云徂舒景變炎燠涼颯動地軸擘歛何神速
坐愁林巒空俯視萬木禿凝霜惜風力摧折到松竹
嗟予閉門人感此亦愁蹙幽庭有萱草采采不盈掬
如聞糟牀注取醉須百斛沉酣樂時運天關不須觸
萬物一芻狗蒼蒼自高目

龜山先生集卷第一

龜山先生集卷第二

詩二

歲春峽

六詠并序

國華先生得幽谷於劍水之東去其所居僅一里餘
負山之巔闢地西向為堂名曰詠歸堂之下有亭曰
老圃亭之前有跡穿數畦其南北有二茅亭南植梅
數株名曰暗香北種紫竹數竿名曰虚心又其南有
一石竇其下可容數人名曰容照巖合而名之曰歲
春峽

詠歸堂

結廬東山阿屹然俯全閩下有黃龍淵浮光抱層雲
彼美谷口翁杖策來往頽明月自爲友顧影相爲隣
擷芷佩芳蘭不與麋鹿群虛堂發輝素黃卷日相親
采薇毛晨羹弋鳧俯清樽曝日負岩竇爲童浴溪澗
微吟曳雙屐踏破青苔紋歸與自樂只此意將誰論
點狂聖所與聊欲繼餘芬

老圃亭

昔君居隱鱗投竿拂珊瑚國華故君有隱鱗洞洞前有釣臺今來寓
谷口結亭事春鋤亭下十餘畦蔚蔚富嘉蔬野果銜
朱槩蔓實垂青桴籬根有蹲鴟晨炊勝彫胡豈惟充

君腹隣里亦厭餘疏泉動地脉磽确成膏腴諒彼漢
陰人假修匪吾徒避俗柴桑翁不復曩荒蕪卷懷經
綸手治粃此一畝居知子非隱淪聊以寓壯圖人生
出處分禮義安可踰茲謀異樊湏甘事小人儒

暗香亭

謾愁青女妬新裝已有風傳處處香試問隱鱗溪上
客欲將春色若爲藏

虛心亭

山橫蒼背碧嶺屹亭對浮筠縹緲間拾遺記蓬萊山有浮筠之幹葉
青蕭散誰爲三徑侶祇應長共白雲閑

容照巖

清時投迹在嶽峯一穴晴光破晚陰刺草未容忘魏
關故應長有子牟心

藏春峽

山街幽徑碧如環一壑風烟自往還不似武陵流出
水殘紅那得到人間

題贈吳國華釣臺

國華自作記不取嚴陵

君不見釣璜溪上白髮翁一竿西去追冥鴻田車同
載非羆熊鷹揚烈飛如飄風又不見羊裘石瀨垂綸
叟爽槩凌天動星斗萬乘故人親訪求卧對鸞輿忍

回首聖賢遇合自有時潔身亂倫非所知高風寥寥
古已往較然得失知者誰君有釣臺臨橘水橋溪不
與桐溪比妝身欲躡渭老蹤笑捋長髯照清泚澄潭
夜月秋光浮撒波短艇公汀洲長繩巨石不能繫飛
帆片席歸蓬丘巨釣沉餌牽九牛一釣直掣金鰲頭
脩鱗擺鬣浪山起雲鵬飛翻忽千里跨雲憑翼上青
冥一點孤光厠箕尾

綠陰亭上

吳先生家

沙邊幽鳥傍清漪瀧下漁船逆浪歸身在輞川圖畫
裡晴空惟欠雪花飛

含雲晚歸寄真師

每扣禪關即晚歸塵中回首萬緣非不愁幻翳迷心地且聽潮音振祖衣歸路往來無別徑夜光清徹有餘輝虎溪舊社知重約陶令如今已息機

含雲寺書事六絕句

獸駭禽鳴蔚蔚中難將此意問鴻蒙紫回小徑蒼苔滑杖履從今恐不通

北山山下一漁翁形解心凝骨已融支枕睡餘人寂寂一軒明月滿窓風

山前咫尺市朝賒垣屋蕭條似隱家過客不須攜鼓

吹野塘終日有鳴蛙

夾屋青松長數圍午風搖影舞微微幽禽巢底鳴相應時引曳一作殘聲過別枝

竹間幽徑草成團藜杖穿雲翠滿衣石上坐忘驚覺

晚山前明月伴人歸

蝶夢輕揚一室空夢回誰識此身同窓前月冷松陰碎一枕溪聲半夜風

游玉華洞

蒼藤秀木遶空庭疊石層巒擁畫屏混沌鑿開幽竅遠巨靈分破兩峯青雲蔽野色春長在風入衣襟酒

易醒採玉遺蹤無處問擬投簪級學仙經

久旱

農郊阡陌起黃塵望斷天涯絕點雲踈懶無情訟風
伯幽窓時讀退之文

冬曉

着瓦霜華冷暝空曉霧均氣昏難見日風過易生塵
洗硯水紋破憑爐火色春莫嫌寒尚薄雨雪更愁人

次韻思春見寄

聖賢千古愧難攀力學方憂敢自閑顧我久拋聲迹
外慚君猶掛齒牙間平生拙計心長在解帶高風志

未還捧檄于今非得已謾勞魂夢遶溪山

次韻蔡武子書懷

放形鋤色恐成光斲聖能令鼻不傷自信放魚真得
計却憐挾策亦亡羊刃投有閒多餘地語到無言輒
自忘擾擾世紛何足問松窓終日獨徬徨

感懷寄鄉友

時在虔州

漫浪人間已十年簿書擾擾日羈纏朱公謾有千金
壁季子初無二頃田籬下蹲鴟餘晚實雲根紫鬘奮
新拳淹留寸祿空回首一望鄉關一悵然

病中作

通衢隔轍斷經過門巷空無雀可羅驅去兒童卧虛室蕭然惟一病維摩

送虔守楚大人

元祐戊辰

象緯辰心次雄都水濁時徑天浮瑞彩驚代出英姿
厚德千金璧虛懷萬頃陂霜蹄來漢苑雲翮上天池
籍籍才猷美皇皇使節馳飛書騰衆吻橫穿真通達
剖竹章流遠還車蜀道熾除成都憲以臺秦庭徒被
指趙璧本無玷黃霸初勤細裴公可範規惠流三郡
俗名掩四賢祠大厦資梁棟承祧賴鼎彝會須紆袞
繡寧久駐旌麾畫舫行空挽甘棠去益思烟波迎棹

急江柳拂墻低賤士行藏拙參軍秩序卑生涯惟蠹
簡事業付毛錐懶愼文園病伶仃曼倩飢自甘同跛
鼈未忍舍靈龜朽質難雕繪餘生辱品題寒芳回暖
律陰壑得晴曦終愧麈頭賤難酬國士知兩行淵客
淚感激自沾頤

吳子正招飲時權酒局不赴作詩戲之

寒爐火冷浮青烟勁風刮面如戈鋌凝陰不動天欲
雪竟日兀兀成拘攣廣文才名四十年天寒坐客猶
無羶參軍官小技能薄寂寞冷坐誠宜然忘形杜老
偶相覓傳呼歌舞開華筵嗟予簡書固可畏不得對

飲簷花前謾有糟漿逆人鼻汝陽口角空流涎可能
更似蘇司業只與時時送酒錢

贈別蔡武子被誣

得釋赴泉州錄參

君不見馬伏波後車薏苡珠璣多又不見章臺奏壁
非有疵相如謬使秦人疑匡章不孝通國非世無孟
子知者誰惜君高材兼衆美完德從來速招毀含沙
怒欲陰中之剛引涇流汙清泚輕雲卷盡天日明容
光竅穴無潛形刮磨玉瑩冰雪凝楚人謾費塗丹青
齊廷有鳥久不鳴會須一舉天衢亨北冥歛起風雷
驚修鱗鼓鬣隨波輕不須回首顧潛鯨好乘扶搖九

萬里奮迅六翮飛南冥

贈致政楊孟堅宣德

孟堅歷三世不改官而諸子各有第宅故以楊陸爲比

子雲論薦有王音

孟堅屢爲連官所薦

陸賈年來老境侵自守

一官歷三世退令諸子分千金平生器業成幽夢白

首功名負壯心賴有新詩輕萬戶未須投綬嘆堙沉

廣文官冷竟誰憐空負才名四十年

孟堅及第蕭散已四十年

欲尋豪上侶飛揚還

一作

作酒中仙龍章繡綬榮何

在鶴氅綸巾靜自便遙憶瀨溪風物好勝游應不愧

斜川

春波亭上

城頭飛蓋映朝暉向晚游人興未移安得魯陽酣戰
手爲留羲馭更遲遲

藍田溪上

夾籬桃李趁溪斜淺淺清流映落花欲問武陵源上
路度雲穿石認胡麻

荷花

照眼紅雲鬪晚霞童童青蓋半傾斜會須直跨三千
仞移取峰頭十丈花

寄題環翠樓

記云唐君作此樓以奉親

方壺七萬神齋連瓊臺縹緲居靈仙鯨翻海運成桑

田異境誰使夤娥遷銛峰四面蒼圭圓巨靈巧以青

瑤鑄揉風洗雨淨娟娟脩眉浮空秀爭妍清溪回旋

瀉幽泉下有澄澗湛涸淵繡榻雕欄欲飛翺凌切漢

道摩星躔恍如直跨瀆彌巔瑠璃凝光園四天喜君

妙齡謝世喧蒼堂慈顏白盈顛兒童牽衣戲踰蹊優

哉此樂誰與先嗚呼昔以三釜懸投身世網百慮煎

今乎老矣誠可憐何用簪纓纏子雲終須守一

屢誅茅結屋繞衣雜佩紉蘭荃手披白蟬玩
青編春暉不報帶欲然雖有至樂安能全

勉懷

紛紛於我未忘情
踈懶多應拾怨憎
便好世間師柳
惠不須巖下問孫登

宜春溪上

斜斜疎柳照清漪
籍籍殘紅自滿蹊
刺眼藤梢牽不
斷欲尋流水路還迷

宜春道上

艷杏天桃日日稀
空餘淑氣尚遲遲
誰人爲作留春
計莫放風花自在飛

過豐城

清江渺渺綠浮天
博物無人繼昔賢
應有斗間靈氣

在誰能更與斲龍泉

瀏陽五詠

渭水

洄淵浩蕩白鷗飛
老懶時來坐釣磯
岸幘行吟聊自
適不應憔悴似湘縲

歸鴻閣

簾捲晴空獨倚欄
冥鴻點點有無間
秋風注目無人
會時與白雲相對閑

飛鷄亭

芙蓉雕盡蕙蘭芳

湖水多秋蘭

杖屨翛然一漫郎
鳧鶴短

長寧復無一作足問但知鵬鷄兩相忘

相公臺

柔條踈蔓綠交加烟鎖雲涵去路賒繡紱貂纓無處
問空餘鷄犬兩三家

洞陽孫思邈修真所

聖童去後水雲閑陳迹難尋草莽間獨有微言傳野
史洞天寂寂一作從此在人寰

寄湘鄉令張世賢

身游羿殼偶相逢安得初終若駮蚤道學未容窺閭
奧吏師應許叩隣封蕭條此意君誰問落托微官我

更慵盧白回旋真戲事傍觀無用氣填胸

縣齋書事四首

朱顏凋盡鬢鬢髮世路低回老益慙偶影獨游聊自
適談書不輟竟何堪神爐默默金徒踊一作天君默
螳蛭紛紛夢正酣誤把此身櫻世網自纏微纒信如
蚕

簿書接老豈身謀朱墨紛紛晚即休平世功名歸稷
禹一瓢吾欲慕巢由

一去人間二十年空餘飛雪上華顛清時寂有求田
樂未愧陳登榻上眠

身名於我兩悠悠形影相忘懶贈酬擬把一竿滄海
去漫然清世一虛舟一作不應沙
上有鷺鷥

次韻錢帳計

駸駸義馭定難羈過隙跳丸日夜馳但見光陰如掣
電却尋稽覽已當暮飛黃汗血宜千里秋鷲乘風此
一時芝草鳳凰真美瑞清名應有退之知

和潭倅張朝請行縣言懷

夾道旌麾動陰霾萬里開霜迎威令肅春逐馬蹄來
幽壑光初滿寒荻暖自回仰窺嵩華質曾未施纖埃

又用前韻和早梅二首

楚國春歸早寒梅處處開月和清艷冷天與靚粧來
東閣詩魂動南枝歲律回蕭然冰雪態無處覓輕埃
星馭經行處梅花忽已開只疑春信早先擁使旌來
嫩萼紅初破寒柯綠未回凌霜半含月皎皎絕纖埃

和張倅行縣

江浮疊嶽弄清輝雲外冥鴻江上歸擊目自多幽興
在揮毫時見彩牋飛應愁零雨侵星駕好爲援戈却
晚暉帝室正須調鼎鶴動移寄語不須譏

假山

衡湘側南二千里清淑之氣常蜿蜒丹砂玉食氣所

感融結萬狀非磨鐫窮源荒溪異岱岳不逢禹績終
棄捐苔封土蝕誰復問嶙峋僵卧當市廛龜山老叟
見之喜鳩徒輦置羅前軒岩堯孤峰露仙掌如掌一石
屹若泰華青摩天傾崖斷壑坐中見葱蒨似欲生雲
烟初疑祖龍未死日浮梁擬跨咸池淵神號鬼怒驅
不前捶擊剗磷成枿圈又疑巨人出龍伯揭竿來自
崑崙巔連鰲合負雲濤翻蓬壺簸蕩留平川繫予竟
日倚欄檻矯首便欲追靈仙尻輪神馬自足駕已覺
兩腋風冷然瓊臺浮游與世隔醉傲笑拊洪崖肩山
間草木即靈餌含英茹實資長年悠悠廣息變今古

坐看溟渤成桑田

海濱拾田

興代身青筠又輪圓

尋崙上層崗隨衝出高原烟火一里餘鷄犬遙相聞
瘠壤僅容席訟牒徒紛綸齊魏兩蝸角况復三家村
舉世競毫末薄俗寧足論吾衰過元亮欲辨已忘言

縣齋書事寄張世賢

朝衙群吏集戢戢同隊魚暮衙群吏散翩翩若驚鳧
歸來坐虛室開編對璫璣啟戶閒無人清風入吾廬
持盃邀明月大爵時與俱蹠躔步松陰對影聊相娛
嗟予懶惰久濶畧與世踈故人隔清湘懷抱何由舒

爲問魯山翁此意今何如

公幹游大光示犀老

山橫杳靄有無中
疊觀層臺一梵宮
萬軸琅函方一作聊
杜口數聲啼鳥正
談空溪雲抱影侵
行屐香篆飛烟襲
晚風薄宦羈人如
接榻自慙來往苦
忽忽

王簿清輝亭

黛染烟螺拂檻低
抱城流水綠逶迤
澄瀾碎影搖青鏡
斜日疏峰隱半規
坐上盈樽無俗客
壁間照夜有新詩
登臨已動忘歸興
况復清談足解頤

醴陵丁君洋洋亭

依蒲泳藻兩相忘
死有江湖氣味長
凭檻翛然真得計
祇應幽興在濠梁

寄長沙簿孫昭遠

時以不備積欠被劾

陽城衰晚拙催科
闔寢空慙罪已多
祭竈請隣君自適
載醪祛惑我誰過
猗猗庭有蘭堪佩
寂寂門無雀可羅
歸去行尋溪上侶
爲接纓綬換漁蓑

龜山先生集卷第二

送蔡安禮

龜山先生集卷第三

送蔡安禮

送蔡安禮

予方赴調安禮赴博羅任

眷言與君違寤寐念往昔結歡自童稚分比膠投漆
乖離成參商出沒俱齊汨義和鞭日御過眼飛鳥疾
五載一相逢俯仰如昨日論情方繾綣念子又何適
行矣不可留悄恍心若失人生惟所遇行止或使尼
况復各宦游聚散何可一嚶嚶黃鳥聲上下求其匹
俛首聽遺音飄零淚橫臆

席上別蔡安禮

予方赴調安禮赴博羅任

故里相看眼暫明一尊聊此話平生杜陵蚤被微官
縛元亮今爲世網櫻長路關山吾此去春風梅嶺子
南征結隣一作盧莫負當時約早晚滄浪共濯纓其四
次韻安禮見寄六八
末俗相看老尚新交游千里更誰親蕭條身世聊安
分迂濶行藏懶向人重鏡羞關拆吏勞生誰息利
名身我慙袍甕無機幽興惟思水石濱

安禮以宏詞見勉因成二篇奉寄

吏部文章世所珍終慙無補費精神浮名膚外增餘
贅薄宦戈頭寄此身養志吾方同邴曼談書誰復問
山賓自憐坐頃三遺矢衰晚那能用楚人黃笑未容
仰首試鳴號自勞窮酒寧爲獮獺

安西聞捷三首

呂吉甫得節

鷹揚塞外得非熊萬里金城一箭通玉帳投壺隨燕
豆坐看飛將縛驍戎日青太平言
將軍新擁節旄閑紫塞雲浮豹尾斑白首邊城休悵
望馬蹄未出玉門關
雅歌不待來天馬謝質今應閉玉門早勒勲名上彙
鼎放回春色滿乾坤

感事三首

邊檄無虞日王師討弗庭收功誇廟筭行政毒生靈
川谷旌麾暗風塵戰血腥寂歸馬日日斷華陽垆
虎士冰河側日聞刁斗驚氣吞沙漠盡風蕩賊巢傾
關塞長年戍邊城幾日清太平陳朽富一旅百夫耕
桑麻腴地想榛荆騎士西來劍戟腥藜藿陋儒心更
鄙但思干羽舞虞庭

笑未容冬寒兩齒忽覺動搖因成書懷

末年三十髮先彫歲晚俄驚兩齒搖都爲踈慵成計
拙直緣衰病覺形焦連經宿雨重裘冷旋煮藜羹野

興饒擺脫塵樊猶未得不堪回首問漁樵

書懷

鬢髮塵土久方還直道謀身力愈難
有節每嗟嬰世網漫郎何意出人間
風驚駭浪潛鱗伏竹隱灣磯翠羽閑
好去杖藜穿蠟屐伴雲隨月弄潺湲

泗上

開將閉亦口

淮口平沙漲檣烏向日斜微雲變蒼狗輕浪感浮花
風勁回飛鴈林喧集暝鴉河流應未閉遲我到京華
鬢蓬凋欲盡岸憤任欹斜瘦怯重裘重慵看細字花
凍雲穿曉日晴樹遠飛鴉老大驚遲暮飄零惜歲華

聞道河流閉逢人每問津天高雲幕幕風細水鱗鱗
未種江陵橘空思千里尊且邀明月伴相對解綸巾

汴上

開開月堤

天上行雲曳白衣半銜晴日在林扉盤花落鴈驚還
起啄食飢鳥趁不飛榆莢青錢飄已盡月堤流水漉
相圍征途處處塵隨眼多病長年與世違

出京

己卯歲九月

旅泊驚秋意塵沙變客衣明星爛河漢殘月暗簾帷
風柳斜斜轉雲帆片片飛窮愁添別病衰晚意多違

出尉氏

隔林殘雪弄輕風日射晴光玉縷紅桃杏渾如梅欲
綻直疑身在故園中

陳留書事

烏檣風纜欲飛翔拍岸驚濤挽不前曲浦漲沙仍積
凍疎林斜日自生烟崎嶇欽道路真堪笑放浪江湖已
判年一枕晝眠無好夢空慙邊老腹梗梗

予自長沙還植蘭竹於東西軒調官京師逾
年而歸蘭竹皆衰悴感而成詩

己卯

柴桑衰晚愛吾廬三徑歸來手自鋤但得叔卿長飽
飯不妨孝若老談書蘭因採佩枝先瘁竹爲凌霜葉

自疎留骨廟堂寧曳尾魯門無用祀爰居

吉溪早起

短日催征轡聽鷄踏曉霜遠山頻入望薄酒謾搜腸
湘浦蓴絲滑吳松鱸縷長何時一踈放把釣卧滄浪

漢坂舟行

曲岸通幽徑踈籬映竹斜塢深葳吠犬林薄露人家
石瀨魚偏美隣村酒易賒

秋晚偶成二首

纖纖晚雨洗秋容庭樹蕭然策策風萬籟自鳴群物
外四時長在不言中坐臨流水襟懷冷卧對浮雲

慮空寂寞一屢吾自適客朝從更議楊雄

風飄浙瀝鬧諸隣却掃衡門溷世塵天氣清明秋意

態夜光浮動月精神流年漸覺侵雙鬢生理從來付

大鈞臨水便同濠濮趣翛然魚鳥自親人

感事

權門車馬日紛紛寂寞多應笑子雲玄白定知非世
尚解朝那復彊云云

晚雨

斷霞明滅天日黝雨意晴暉爭好醜浮雲冉冉無定
姿白衣忽變如蒼狗語見老杜詩悲風激烈河漢翻雨脚

如麻飛霰寒山深氣腥豺虎亂乾坤四合誰云寬將
溪溪上野客懶成癖怯寒手攣面如墨把盃強吞僵
立歌閉門獨愁天已黑

隱几

上天不隕霜萬木正鮮澤青蒿與長松各挺歲寒節
朔風吹沙寒高嶺凍積雪萬木已摧落長松獨青潔
人生無艱危君子竟何別隱几試澄思行藏易差轍

入山行

蒼崖峭立青天涯古徑蕪沒泐清溪深林四合晝亦
瞑寂寂惟有猿猿啼野人心形灰死如槁木山禽見

之猶驚飛因嗟太古不可復我無機械胡相疑

題愚齋

溪東黃室

結廬依林丘回峰爭盤紆下闕清池淵憑軒數游魚
飛閣出雲表浮烟襲簪裾中有傲世士脫畧自謂愚
高義輕籛金貽謀有詩書青編富充宇散秩羅瓊瑤
鱗鱗壁間題一一露珊瑚嗟予久昏塞荒蹊少耘鋤
昌黎已隔世將焉問夷塗道逢北山公荷鋪時與俱
皎皎河曲叟朋非一作共歔歔高齋一來游豁然心
神舒籬東有餘址誰能雍榛蕪結茅可容席一瓢來
此居寄謝陶彭澤何必愛吾廬

贈醫者鄧獻臣

天地一氣猶治甄埏埴萬彙隨方圓神形九藏通九
野八風中物如戈鋌天元玉冊有遺義探索始自三
皇前桑君越人不世出鑿石鍼灸誰能傳賤工增餘
損不足往往橫天殘天年羨君妙齡踵其學至理隱
蹟常精研聞陰得陽以神遇反視方術猶蹄筌道隅
萍蓬即為餌車上已有長蛇懸嗟予羸荼苦多病維
摩丈室方蕭然願君速已天下疾為予一洗沉痾痊
游武夷是日泛小舟至雞巢岩還游冲佑觀
函關崎嶇走秦鹿天下並逐爭群雄快雲翻空鼇足

折黔黎窳伏如寒蛩武夷山深水清泚避世猶有高

人蹤龍泓東注海波涌嶺有接龍池世傳與海通玉女翠擁秋雲

鬆王女赤霄真骨寫虛壁通泉凡筆慙非工媿玉峯前有畫

一鶴歲舟浮梁跡絕壑山間有小橋橋西有一隱見似

與天潢通當時鷄犬不復見窠巖依舊烟霞籠我來

秋抄月既望尚有幽菊埋榛叢天容洗淨雨新霽雲

幕四卷清無風掀蓬進棹窮異境注目想見流殘紅

回船杖屨躡幽徑松竹窈窕環琳宮翠琬溫辭耀華

袞褒詔有金榜大字纏蛟龍自憐病骨掛塵網幔亭

高會何由逢解衣歸卧玉鎖碎仰看明月穿疎蓬

童氏必大亭 生前作此亭

超遙武夷翁霞衣爛朝日作亭依雲根望壙茲焉息
仙游去不返孤丘已陳迹身雖隸編齊貽謀有遺則
慶流終必大名亭以為識伊昔晉公堂三槐手親植
扶踈滿庭陰貂蟬映圭璧默視天人際召應齊呂律
閭門容軒車茲理固可必終見童氏里鳴珂聲赫奕

和李倅游武夷

濃淡烟鬟半雨一作晴溪光初借晚霞明
三峰秀二層峯天漢融成一鑑清魏玉峯頂有天鑿池粉社
有誰蔽菑謀賓雲無處問遺聲慢亭寂寞仙何在勾

漏丹砂早晚成

黃彥昭時思閣 前有連理檜

孤丘鎖千岑層閣跨雲起永懷霜露思時未薦醪醴
欽宗貴牧族螫螫神亦喜故令傲霜根駢枝復連理
黃侯渥注種一躍不容擬慶源如婦墟萬壑自奔止
終見君子鄉乃是鳴珂里

綠漪軒

開池傍清軒環除種蘭芷虛明淡星漢踈影薦鳧履
君乎試憑軒鑑此庭下水盪風生微瀾風定還泚泚
悠然真得趣吉祥來止止

迂疎堂

終南有捷徑屈蠖終當伸君獨耻不蹈安得與世親
結廬寄人寰獨往寧問津形影廢酌贈相忘誰與隣
寄謝漢陰叟抱甕良非真

鄱陽湖觀打魚

小龍廟在湖上崇寧壬午

秋高水初落鱗介滿沙脊浩如太倉粟寧復數以粒
紛紛漁舟子疑若俛可拾橫湖沉密網脫漏百無十
虫鰕雜魴鯉駢首吐微濕小人利口實刀杙汙鱗鬣
鯤鯨亦狼狽風雨移窟宅玉淵有神祠變化在嘘吸
胡寧飽羶香忍視萬魚急幽潛不足恃感嘆百憂集

寄謝漆園吏於計未為得

南康值雨

廬山即龍菴有劉道人自云百餘歲碧眼不粒食惟食松飲水每客至必先知之欲往見之不果故并記之

平沙漲雪清江瀆水花照日紅生鱗軒然五老出城
表雕玉萬仞窺長身雲巾星弁覆華頂飛泉漱瀑垂
天紳平生未識廬山面碧巖橫雲望中見江頭一夜
雨行天奔浪號風作悲健朝來淤泥沒牛馬咫尺坐
論千里遠芒鞋拄杖掛塵屋神馬尻輪颯飛轉卧龍
菴前碧眼翁日飲山深澆溪松神融氣合八荒外此
心炯炯宜先通未須移勒却俗駕會應一洗塵凡空

寄言婦侍壺丘子他日來游當御風

白公草堂

爐峰裊裊曉烟輕雲入屏幃一枕清高興自應無世
累獨於妾馬未忘情

過廬山遇雨

江風吹雨逐人來行過山前首重回絕頂隔雲看不
見石稜崖角獨崔嵬

題諒長老壁

維摩病士意超然邊腹便便但晝眠共說平時忙底
事烹茶煮藥過殘年

東林道上閒步二首

籃輿塵土滿簪纓步入深雲澗谷清漱石枕流非我
事謾臨溪側聽泉聲
懸崖絕磴碧嶺屹杖屨行尋一水間藉草弄流塵土
遠似聞車馬隔人寰

過東林三首

寂寞蓮塘七百秋溪雲庭月兩悠悠我來欲問林間
趣萬疊松聲自唱酬
百年陳迹水溶溶尚憶高人寄此中晉代衣冠誰復
在虎溪長有白蓮風

碧眼厖眉老比丘雲根高卧語難酌蕭然文室無人
問一炷爐峯頂上浮

江上夜行 赴荆南道

冰壺歛艷接天浮月色雲光寸寸秋
古別離云碧瀾之下寸寸秋色
不用乘槎厲東海一江星漢擁行舟

江上晚步 赴荆南詩

鏡潭磨青空璧月浸江渌攬衣弄清泚炯炯月在掬
冷然適我口肝隔貯冰玉流光頃百變一玩不可復
歸來盡餘樽醉卧媚幽獨羨娥偶相憐歲往如破竹
餘生枕中付勿問黃梁孰

過漢江

西極鼇足折東南地維傾衆流競趨下涵涵歸滄溟
誰能跨明河挽此經天行世難乘槎翁此意終冥冥

荊州偶作

鄭公嵇阮流野性本麋鹿平生傲羲皇白首就羈束
天寒客無糧官冷飯不足顧予支離人攘臂受餘粟
江魚尾盈尺飽食勝梁肉荆山富樵蘓文室有餘燠
頑踈愧前哲所得踰往躅談經追時好俯仰負愧忸
流光逝不反愁鬢日改綠世道劫火燃不燼乃良玉
晚交定難恃雲雨手翻覆官居真蘧廬東擔聊託宿

求田意雖鄙此計正宜速歸尋谷口耕勝賣成都卜
坐想帶經鋤倚耒聽布谷

過石首謁縣官回有作壬午十二月
萬事紛紛醉即休無功可作酒泉侯誰能載取千缸
去且向舟中打拍浮

荆州書事二首

江湖泛泛一虛舟去作人間漫浪游歲晚光陰雲冉冉
舟畏途風雨日浮浮萬鍾信是樊中雉一棹聊同水
上鷗投老菴盃一作書成底事憑誰為種橘千頭
千里瀕江地可毛結廬何必故山椒載醪不過斜川

路飲水誰同陋巷瓢勿問雞虫閒得失但知鵬鷃各
逍遙黃塵滿眼僧窓靜坐對風花意已消

送鄭季常赴太學正修

驅車出西城眷言與君違北顧臨康衢問子將焉之
赤驥度渥洼終當飲瑤池城都九軌道一躍不可追
浮塵暗荆棘捷徑行多迷長風戰秋林零露沾人衣
青松不改柯期子清霜時

江陵令張景常歲書萬卷堂

民生結繩初異宇本同體誰令四目翁破肉作瘡痂
龍龜出河洛茲理固天啟張侯瑚璉姿高步軼前軌

買書費千金充屋未云已六經瀆溟渤百家雜源委
中流湧千波舉體惟一水參前有真趣萬古一憑几
毫端吐奇芬溢目麗紈綺微言窺聖域妙意期得髓
默坐筌蹄忘斯文亦糠粃

送向和卿還京

子韶

江湖多秋風倘恍夜不眠念子將不歸起視明星懸
君平翠蚪姿聳身蒼梧淵高步隘八區凌風上青天
妙質蘊荆璞寧湏事磨鐫贈言以爲別妄意追前賢
聖言乃常珍含咀真味全奇辭暫時好過眼如飛烟
絜身忌廉剗觸物宜虛船吾方病羸恭市藥還自憐

明日隔長陂相望空惘然

次韻何吉老游金鑾寺

榮名嗟何爲病木自生癭彭殤一夢覺烏用論久頃
寄身淵明廬脩然在人境衛生鄙樊雉放浪任流梗
相忘到形影世累不湏屏剡鍼聊自營寧復事干請
負暄有餘燠蓬鬢亂垂頸客來坐無檀誰顧廣文冷
忽聞過吾門冠屨不暇整邀我招提游並轡相與騁
僧關叩禪寂未語心已領並游皆韓徒辭刃淬鋒穎
多聞富如坻吾方拾遺乘顧慙管窺陋未覩豹文炳
謬追俊游後如渴得甘井願從借金篋爲刮眼中青

龜山集詩 三十八
鼻端堊漫久妙質愧非郢賡酬因詩律恐作杜陵厝
相攜上層崗出戶畏深窅每虞參也魯頭步輒三省
遲迴月初上雲關掛金餅昏鷓鳴相呼更覺林逾靜
湖光湛星漢渺渺天水永歸蹊暗塵土回首失清景
角聲下譙門歸步怯脩嶺晚市人迹稀青燈耿踈影
金鑿有退之題名故有韓徒之句

向和御覽余詩見贈次韻奉酬

杜陵頭白長昏昏海圖舊繡冬不溫更遭惡卧布衾
裂盡室受凍憂黎元詩人窮愁自古爾豈若種藝依
青門嗟予老嬾世不用窮巷久雨無高軒虫鳴鳥噪
感時節發不恤緯羞前言殘章斷簡弃不錄自愧潢
潦無根源君胡衮字富褒飾三復妙語將誰論知君
獨負青雲器欲使餓者名長存

辭負青雲路
紫無嫌
風和

龜山先生集卷第四

詩四

送胡康侯使湖南

北溟有潛鱗其廣數千里揚鬣厲東海汎汎等浮蟻
百川競奔注漫不見涯涘寄之天地間大澤曩空耳
胡侯荆山姿妙質久礪砥飛聲動旒冕持節照湘水
功名與時會事道從此始驂駟駕輕車夷路通九軌
朝燕暮騰越快意未為喜聖門學須彊一簣虧可耻
擴之天地寬於道乃云適為士貴弘毅無忘味斯旨

送趙循道赴都講

南陵人

鳳山鬱崔巍下有千頃陂

南陵鳳凰山大

峻極不可

攀浮光亘長鬢晦冥滴風雨澄淡含環竒吸呼入君

懷萬態羅心脾吐辭屢金腹煥若星斗垂竭來荆渚

游紅蕖照清漪故宮久零落一酒增余輝博族貴老

成堯言下丹墀浮駘駕雲帆眷然成此離長裾曳王

門豈比困塩齏驂騑踏長坂萬里誰能羈

直舍大風書事寄循道

枕書無寐首空搔萬竅噓風正怒號雪意浮空迷遠

日月林樾影見秋毫幽庭所藉惟荒草妙理應須付

濁醪誰念維舟江上客落帆千里歷雲濤

天寧節

祥開若水射瑤光淑氣先春景自長玉陸風閑飛綵

綬獸爐烟暖襲珠囊

千秋節賜綵珠囊民間以此相饋遺

雲間羽鶴

儀仙仗天上蟠桃薦壽觴已見晶輝環帝座定應長

照鼎宮傍

鼎宮傍一星人壽星也

留別富宣德

富侯荆山姿落落混燕石鐫磨經世故不磷乃天質

軒裳儻來寄寄去寧須戚驂騑走長坂一跌未為失

秦庭謬瑕疵晚柱終完璧君子有遠懷事道先器識

千鈞等鴻毛始見烏獲力行矣各勉旃他時賴三益

送王充道游三茅廬鼻

荆吾相望各天涯千里柴車原自隨解纜定應春盡
日及歸宜待鶴來時三茅中峯每歲八月十七日羣
鶴至充道當使見物乃可回
聖賢莫負樽中深日月長為物外遲若過匡廬訪真
隱卧龍庵下有期頤卧龍庵有劉道人年百歲壽

和席季成游金鑾寺

朱甍碧瓦照孤城杖履翛然野色清
澗捲水風輕蕩漾珠翻荷雨自虧盈
勝游已覺非人境妙語寧須味玉英
願借金筇聊刮目不容幻翳有纖萌
席太君挽辭二首

克配無前古傳家有子賢四靈來薦瑞
一鷲已摩天蒿星迷長夜悲笳慘暮烟
蕭蕭原上路猶想駕雲軒稟粹荷蘭秀
來嬪洛水濱一窺識公輔三徙得儒真
畫翬流雲氣松阡卧石麟哀榮今日事
誰復繼前塵

直舍書事

鱗鱗池面水初生萍底青蛙自在鳴
誰使幽庭當鼓吹雨餘時聽作新聲

登峴首阻雨

時自荆南入京

羊公風績幾經秋獨遶龜趺為少留
欲問荆人尋舊事一江清泚自東流

江浮雲影抱層欄雲外青山一水間盡日倚闌看不
足杖藜欲去更回還
江風飛雨上雕欄庭樹蕭蕭景自閒向晚微雲遮不
盡好山潭在有無間
庭前古木已經秋天外行雲暝不收倚杖却尋山下
路一川風雨濕征輶

湘君祠

鳥鼠荒庭暮秋花覆短墻蒼梧雲不斷湘水意何長
澤岸蒹葭綠籬根草樹黃蕭蕭竹間淚千古一悲傷
京贈岳陽書事

洞庭水落洲渚出疊翠疏峰遠烟沒重樓百尺歷高
城畫棟沉沉倚天闌湖光上下天水融中以日月分
西東氣凌雲夢吞八九欲與溟渤爭雌雄澄瀾無風
雨新霽一目萬頃磨青銅琉璃夜影貯星漢騎鯨已
在銀潢中湘妃帝子昔何許但有林壑青浮空君山世傳
湘君居此因以得名蒼梧雲深不可見遺恨千古嗟何窮瀕更
晦冥忽異色風怒濤翻際天黑乘陵瀨壑走魑魅溘
瀟百恠誰能測忍看舟子玩行險更欲飛帆借風力
安得晴雲萬里開依舊寒光浸虛碧

渚宮觀梅寄康侯

欲驅殘臘變春風，只有寒梅作選鋒。莫把疎英輕鬪雪，好藏清艷月明中。

新湖夜行

平湖淨無瀾，天容水中煥。浮舟跨雲行，冉冉躡星漢。烟昏山光淡，桅動林鷗散。夜深宿荒陂，獨與鴈爲伴。

哀鴻

哀鴻常苦飢，悲鳴垂其翼。朔漠曉霜寒，江湖晚烟羃。乾坤一網罟，高飛亦何益。日暮無與群，驚風暗沙磧。

寄定夫

憶昨相逢鳳山址，駒隙駸駸餘半紀。君趨烏府近清

光陸海，驚濤漲天起。雲帆大舸半摧溺，巖岸得全誠。偶爾我時捧檄赴荆渚，放浪江湖一浮蟻。談書孝先老無用，哺啜糟醅咀糠粃。東歸雖復有民社，爲米折腰良可耻。市朝紛紛真羿彀，朔幹燕弧不容擬。投身中地竟誰免，未信棘端能捍矢。重樓百尺卧玄德，問舍求田不須鄙。早歲結隣初有約，齒豁頭童今老矣。築場預想傍田廬，負耒耦耕何日始。

寄練子安教授

憶昨吾子客上都，我獨奔走天南隅。各年未壯已多累，誤投世網身攣拘。飄零今日偶相值，乃復咫尺不

得與子俱人生委質金在爐大冶鼓鑄誰號呼惟愁
跋跋走塵土舊業幾廢成荒蕪惜君高才卓犖與世
畸雄文酒落珠陸離雷驚電赫轉坤軸風號浪擊飛
天池珊瑚挺幹滄海竭騏驎超軼不可羈經綸有道
世莫知櫝中良璧姑自竒君不見扶藜隘巷蓬草居
短褐甕牖桑爲樞擁門軒蓋何所慕藜羹自飽非癯
如又不見楊雄寂寞守太玄弃捐覆瓿真可憐折腰
小吏昔所耻田園須賦歸來篇終當結屋蒼崖巔期
子相與臨清泉投簪解帶謝人世拂塵披蠹親遺編
松皴檜老生青烟雨餘風弄鳴哀絃低回野興有真

意浮名鸛雀過吾前結歡膠漆常連連從游鹿豕終
長年

送陳幾叟南歸丙戌年

連墻東郭倦追尋高卧毗耶老疾侵自愧屠龍真拙
技謾令吾子費千金

霾風霑雨濕征裾隔雨樓臺半有無南去定逢韓閣
老歸愚當更問夷塗

是時幾叟過四明見了翁

幾年夢想到親幃身逐行雲萬里飛茗水未殊沂上
樂春風無負舞雩歸

初授餘杭

寄題趙貫道後樂亭

亭在沂州新泰縣

叢祠有狐鳴群雛滿東州彬彬齊魯郊不復論軻丘
鼓刀販繒翁袞袞登公侯風流日凋弊世久俗益偷
昔時戴經人輟耕仍佩牛椎埋晝行盜閭里更相讎
趙子尉平陽始至惟民憂百花爛成園幽禽弄春柔
問子胡不樂我心殊未休威明揉彊梗驕鷹化爲鳩
買犢解吳鈎束身自鋤耰田廬戶無樞長物弃不收
結亭自樂只開編玩前修誰云酸寒吏憂樂非身謀
乃知君子懷與世異沉浮嗟予一漫叟放浪猶虛舟
舞雩有清風遺迹今在不君乎去此矣欲往將誰儔
寄言春服成尚覲一來游

謝詹司業送酒

鄭公負才名流落四十年高視隘八荒天寒坐無羶
忘形賴司業時與送酒錢嗟予樗櫟材臃腫世所捐
云何附青雲拜賜追前賢開壺對清樽內愧顏醜然
公乎廊廟姿直幹上參天袷服群袞官不虞妬爭妍
驛驢誤一蹶萬里終騰騫朝燕暮刷越駑馬安能先
玉瑩本無瑕寧須事磨鐫宣室久虛席茲行定詳延
陋儒氣填臆感槩聊自宣辱惠不知報強歌成短篇

春早

雲天暮暮漏微光踈懶惟添睡思長枕上隔籬聞鳥

語半殘春夢更悠揚

春日有懷諸友

憑几無聊晝掩扉
芬芬晴氣減春衣
隔簾相應鶯初語
背日連飛鴈北歸
莫逆交游千里別
遠來音信兩年稀
追尋舊事成幽夢
觸物心行事事非

戲贈詹安世

喜談兵慕耿弇之為人故有虎牙之句

綵舟駐閭門初與子相識
長空翥秋隼爽氣橫八極
摘辭鏤圭章吐論森劔戟
鄧侯不願仕志在書竹帛
長纓係單于落落蘊竒策
氣吞流沙外意無燕然北
虎牙有餘勇戎虜非彊敵
會當朔風勁仗鉞控鳴鏑

老夫慙衰謝見子徒感激
平生謬經綸此意已寥寂
信哉功名會事道古難必
窮通付時命未足爲悅戚
餘生如鼷鼠滿腹微分畢
行矣脫簪纓翛然適吾適
安世乃司業之子年少未受官

出郊

雲根脩蔓綠成陰
風雨園林嬾重尋
春自去來人不問
碧桃朱李付幽禽

望湖樓晚眺

斜日侵簾上玉鈎
簷花飛動錦文浮
湖光寫出千峰秀
天影融成十里秋
翠鷗翻風窺淺水
片雲隨意入

滄洲留連更待東窓月注目晴空獨倚樓

春日五首

春深不見鷓鴣聲百舌時聞自在鳴獨步移牀卧深
屋細看新燕巧經營

薔薇正好結花棚擬爲幽軒作錦屏窮巷寂寥人不
到空藏春色鎖深扃

一番微雨一番晴淡淡一
番春容照眼明庭外幽花
自開落飛揚無處不殘英
一作可憐蜂蝶謾多情

清明百鳥轉新聲摧啄幽花折粉英冷坐隔簾呼不
起惜春無計若爲情
一作與忘情

雨餘殘日照窓明風弄
一作收拾行雲點點輕坐對庭陰

一作獨倚春風人閒寂時聞蛛網掛虫聲

遣興

嵩華千仞立不碍天地寬涇渭清濁流不離海波瀾
人生過眼萬事役記憶細故真童顏

春晚

雲靄浮空一作烟輕半雨晴茅簷未忍掃殘英欲尋春
物飄零盡只有黃鸝一兩聲

浮花浪蘂白紛紛點綴萼苔作繡茵獨有倚欄香未
歇可紉幽佩繫餘春

病中作

南京

此身如幻病何傷
白日無人景自長
寄傲南窓容膝地
時時飛夢一作清夢到羲皇

過簷赫日晝如燔
睡轉庭陰始一反
縱有諸人來問疾
毘耶居士已忘言

寄形一榻日遽然
倚杖支頤髻指天
莫逆過門無子祀
時來鑑井自踈躑

古椿朝菌已忘年
貧病寧須更問天
右彈不妨隨物化
自求鴉炙自應便

病起

竹風帶雨作秋聲
半睡惟聞鳥雀爭
老病衰殘惟骨立
白頭看鏡不須驚

送富朝奉還關

給禁守風華

白首仍戎衣

君不見慶曆承平道
如砥馳車八荒同
一軌虜人鷗張怒
螳臂百萬雲屯若封豕
又不見朔方橫流漲天
起腐麥蛾飛木生耳
扶攜道路雜老幼
操瓢溝中半爲鬼
關河日夜刀斗驚
嫚書乘駟來渝平
兵間持節得英傑
談笑坐使羈長纓
青社環城萬區屋
發廩分曹具
饘粥飢羸枯頰陡生光
叢塚不聞新鬼哭
滅孫有後天
匪親問門容車何足論
竭來灘上見猶子雄

本無一字堯夫易八十一篇揚子玄今古是非那復
辨仲尼猶不廢韋編

文章難寫伏羲書字外成篇始見秦勳也罷分可不
可一瓢居士只如愚

過時不易使為難執處那知是變運度盡千山無鳥
迹不勞傳語報平安

手在何憂弓力彊巧窮那得必穿抄太和有味人人
飲誰識醒時是醉鄉

仲由行行終身誦師也堂堂帝上書五柳却知此
意無絃琴上賦歸歟

只說為山不說休山成日夜水橫流惜哉覆篲成迷
復只欠當初一掉頭

和錢濟明游官園 常州

虛舟觸物本無意看花得句慙非才名園古寺尋春

色不暈勿鄙雙魚鯁 是日與濟明遍游太平諸園木奴

千頭比封戶秋實付與江風催因思萬點愁人處何
似洞庭金作堆 蘇子美詩洞庭柑熟客分金

題陳宣事烟波泛宅

忘懷纓紱寄浮居來泛烟波擬釣徒我欲他時清洛
上為君正櫓作鱸鱸

偶成

綵鬢潛驚老境催更憐衰晚困低回但知周道平如砥莫問瞿唐滌瀕堆

過吳江

天水相涵翠有餘玻璃萬頃接方壺山浮晚照清如洗風遠飛帆細欲無漫叟未應甘皂櫂散人終欲傲江湖維舟况值鱸魚美鱠疊銀絲飫腹腴

南歸書事

浪漫人間厭客塵衡門長憶鎖榆枌忘言擬畫輪人妙陳迹慵尋史籀文萬里功名心獨冷一廛耕鑿力

能勤舊游欲問南歸趣寂寞吾今過子雲

閑居書事

虛庭幽草翠相環默坐頽然草色間玩意詩書千古近放懷天地一身閑踈窓風度聊欹枕永巷人稀獨掩關誰信紅塵隨處淨不論城郭與青山輕風拂拂撼孤檉庭戶蕭然一室清隔葉蟬鳴微欲斷又聞餘韻續殘聲

溪上

悠揚春夢成幽興冷落溪光醒酒魂天濶雲浮遮不盡浪平風過杳無痕

寸碧軒

隱隱遙山列畫屏
簷間寸碧與雲平
低回席上遺簪露
彷彿墻東翠黛橫
虛景遠涵千里色
晚暉仍借一溪清
春風景物知多少
可稱妝身樂此生

冬旱書事

窈冥誰為宰
爐鏡藥謝唯知歲
序催臘日未經梅已
綻
春風尚遠凍光開
愁無潤澤歸芳樹
獨有餘寒着死
艾妝盡浮雲天愈
淨夜深猶起望三台

齒落書懷

身上蕭條事事空
齒牙凋落勝衰翁
渴心尚欠冰凌

鮮病骨長思藥力
攻文几倦親塵土
暗斷編慵理蠹魚
封南牀穩卧陶公
宅枕上悠揚一榻
風

與將樂令飲揖仙亭

難派斗落堆璫璵
雕欄照水光如濡
層巒疊嶽爭蟠紆
翠岩百尺蹲於菟
何年巨人出歸墟
揭竿合負神鼇趨
飄派人間峙蓬壺
至今猶為仙聖居
飛輶往來誰與俱
下有馴雉隨雙鳧
英風爽氣凌清虛
楫間新詩露珊瑚
顧余老懶與世疎
欲往勾漏嗟無徒
會須策轡追雲車
無使吃口唾癯儒

憑高

觸物心如醉，憑高仍倚樓。目隨流水遠，事託片雲浮。
戎虜川原赤，邊儲戍役愁。投戈知幾日，定遠未封侯。

送嚴尉

世路久艱棘，青冥翳妖氛。孤鳥叢祠中，豺虎填城闔。
君能摘姦伏，竭澤無潛鱗。勿云功未耐，屈蠖終當伸。
飛黃駕輕車，一躍窮無垠。

贈程舍人迎侍入閩

路公溪上鶴，髮翁眼光照。日顏如童稚，眉垂髮有仙。
骨駢集五福，天所鍾螭頭。暫輟三長手，仗節扶輿入。
閩嶠孤南一，夜晶輝浮海。隅草木俱榮耀，朱金拜後。

古所稀，繡紱全勝衣。綵衣玉觴薦，壽湏珍奇更待蟠。
桃子熟時

鄒公輓辭二首

一伏青蒲上三年，瘴海濱泉甘不出戶。
公謫南方所居苦無水庭

中忽湧客醉豈無神。
公在謫所忽有醉客言公報國
心長在知恩，志未伸。
公所居堂名知恩追懷垂絕語，空有淚盈巾。

盈巾

舊德今誰在，彫零已不多。雲天開日月，陸海自風波。
空嘆與齡夢，難留曳杖歌。生平濟川意，無處問施羅。

公嘗有與齡之夢

書齋今雖五湖雲已不... 卷中

必身去... 卷中

一... 卷中

龜山先生集卷第四



